

RGSM 2014, Sarajevo



Dobrodošli u grad, gdje se susreće istok i zapad, grad u kojem je inspraciju pronalazio Tin Ujević. Mjesto gdje su rođeni Nobelovci, i gdje rijetko postoji više mostova na tako maloj, ali ponekad hirovitoj rijeci. Dobrodošli u grad, kojeg Jevreji nazivaju "Mali Jerusalem", a orijentalisti "Damask sjevara", dok njegovi stanovnici nazivaše ga "Šeher". Rijetko gdje na svijetu postoji tako mjesto, da se na tako malom prostoru mogu sresti sve svjetske religije, da se u isto vrijeme čuju zvona sa pravoslavne i katoličke katedrale, da se čuje poziv mujezina na molitvu u džamiju, trube sa sinagoga, a da svi ti mirisi i zvukovi ne prkose jedno drugom. Dobrodošli u grad vječnog ljubavnog žara, poznatijeg po imenu "sevdah". Asocijacije ovog grada nikada nisu srazmjerne njegovoj veličini, njegovi veliki usponi, ali i burni trenuci zasigurno su doprinijeli da srca i mašta ljudi širom svijeta zaigraju na pomen njegovog imena. Dobrodošli kod organizatora XIV Zimskih Olimpijskih igara. Ali i mjesta gdje je nastao povod za izbijanje I. svjetskog rata.

Dobro nam došli u Sarajevo!



Nakon Beograda, Ljubljane, Zagreba, Novog Sada, došlo je vrijeme i za Sarajevo. Studenti Građevinskog fakulteta, a ujedno i voditelji Asocijacije studentata Građevinskog fakulteta u Sarajevu, imali su veliki zadatak pred sobom, a to je organizovati jubilarni V Regionalni Susret Studenata Geodezije (Regional Geodetic Student Meeting).

Asocijacija studenata Građevinskog fakulteta, po prvi put je organizator manifestacije ovog nivoa. Članovima Asocijacije je velika čast ali i obaveza na ukazanom povjerenju od strane studenata geodezije iz regiona. Studenti iz Sarajeva su se prvi put uključili u održavanje RGSM 2012, kada se isti održao u Zagrebu, zatim RGSM Novi Sad 2013, gdje je Odsjek za geodeziju iz Sarajeva imao svoje predstavnike. Uz punu podršku Odsjeka za geodeziju, te rukovodstva Građevinskog fakulteta u Sarajevu organizacija je protekla u najboljem redu. Dok će učesnici potvrditi svoje utiske sa V RGSM-a.

Dobro nam došli na V RGSM!



Dosadašnji susreti studenta geodezije protekli su u najboljem redu, svi mi nosimo nezaboravna iskustva, i mnogo lijepih uspomena. Studenti iz čitavog regiona učestvovali su u dosadašnjim RGSM-ovima. Kako je vrijeme odmicalo, bivali smo iskusniji i mogli smo da ocijenimo šta je za organizaciju RGSM najvažnije. Organiziranjem jubileja predstavljalo je nezaboravno iskustvo za sve studente Građevinskog fakulteta u Sarajevu. Akumulirano znanje kolega iz regiona, zasigurno nam je pomoglo u organiziranju. U svakom trenutku, mogli smo se osloniti na kolege - organizatore dosadašnjih RGSM-ova

RGSM Sarajevo 2014 je do sada najbrojniji susret i u njemu su učestvovali studenti iz:

- + **Austrije:** Tehnološki univerzitet Beč
- + **Slovenije:** Fakultet za gradbeništvo in geodezijo Ljubljana
- + **Hrvatske:** Geodetski fakultet Zagreb; Fakultet građevinarstva, arhitekture, geodezije i geoinformatike Split
- + **Srbije:** Građevinski fakultet Beograd; Fakultet tehničkih nauka Novi Sad
- + **Makedonije:** Građevinski fakultet Skopje
- + **Bosne i Hercegovine:** Arhitektonsko-građevinski fakultet Banja Luka; Građevinski fakultet Sarajevo

RGSM je otpočeo posjetom Svrzinoj kući, gdje su se studenti mogli upoznati, sa tradicionalnom arhitekturom, te načinom življenja, višeg stалеža muslimanske sarajevske porodice iz XVIII i XIX stoljeća. RGSM-ovce je pozdravio dječak, obučen u tradicionalnu narodnu nošnju, što je veoma obradovalo učesnike. Nakon obilaska Svrzine kuće, organizovana je posjeta Federalnoj upravi za geodetske i imovinsko-pravne poslove, gdje se gostima obratio zamjenik direktora FGU-a gosp. Nedžad Pašalić.

Zvanično otvaranje RGSM Sarajevo 2014 je organizovano u prostorijama Građevinskog fakulteta, gdje su se prisutnima obratili: prodekan za nastavu prof. dr. Samir Dolarević, dipl. inž. građ.; šef Odsjeka za geodeziju doc. dr. Admir Mulahezić, dipl. inž. geod.; zamjenik direktora Federalne uprave za geodetske i imovinsko-pravne poslove Nedžad Pašalić, dipl. inž. geod.; Žutić Alija, predsjednik organizacije RGSM 2014. Ilma Dinar dipl. inž. geod., je predstavila svoj master rad na temu: "Izrada topografske karte 1:5000". Na svečanij manifestaciji, sponzorima i prijateljima susreta uručeni su prigodni pokloni.

Trenutak koji je nastupio, a na koji su organizatori zaista ponosni, jeste izložba instrumentarija. Veliki dio instrumentarija je u vlasništvu Odsjeka za geodeziju, dok je jedan dio instrumentarija izložila sarajevska kompanija BNpro d.o.o., inače generalni zastupnik svjetske kompanije Trimble za područje Bosne i Hercegovine. Kada su se gosti i učesnici RGSM-a opustili i upoznali sa raritetima koji Odsjek za geodeziju posjeduje, pozvani su na ručak.

"Party" dobrodošlice priređen je u prepunom Domu mladih, naime koncert u Sarajevu je imala beogradska grupa S.A.R.S. Na veliko oduševljenje, učesnike ovogodišnjeg RGSM-a je pozdravio frontmen grupe Željko Kovačević - Žare.

Tradicionalno, drugog dana susreta, organizovane su studentske prezentacije iz oblasti geodezije, na sljedeće teme:

- + Arhitektonsko-građevinski fakultet Banja Luka, Nikolina Mijić: "EKO-EU ROTIM Ltd., Banja Luka (prezentacija kompanije)"
- + Tehnički fakultet Novi Sad, Marko Petroman: "Proširiva realnost i njena primjena u geodeziji"
- + Tehnološki univerzitet Beč, Maja Orihan: "Određivanje Zemljinih orijentacijskih parametara pomoću VLBI"
- + Fakultet za gradbeništvo in geodezijo Ljubljana, Meta Možina: "Usporedba visina iz lidarskih i GNSS visinskih podataka na području Prevalje pod Krimom"
- + Fakultet građevinarstva, arhitekture, geodezije i geoinformatike Split, Antonia Pranić: "Prezentacija o fakultetu"
- + Geodetski fakultet Zagreb, Franka Grubišić: "Uloga geodezije i geoinformatike u održivom razvoju"
- + Građevinski fakultet Beograd, Miloš Pandžić: "Inostrane konferencije za studente i mlade geodete"

RGSM nije samo susret studenata geodezije, gdje studenti, odnosno učesnici prezentuju svoja dostignuća iz oblasti geodezije, već i suret gdje se ostvaruju kontakti i postavljaju temelji, za buduću saradnju i stvaranje novih prijateljstva. Susret, gdje se svi mi zajedno upoznajemo, sa gradom u kojem se održava RGSM, stoga su se organizatori potrudili da Sarajevo prikažu u što boljem svijetlu. Učesnici su obišli uže starogradske jezgro, te se upoznali sa historijom grada. Obilazak je počeo ispred sarajevske katedrale "Katedrala Srca Isusova", a nastavio obilaskom Begove džamije, te Stare pravoslavne crkve. Obilazak grada je završen posjetom gradske kuće grada Sarajeva, poznatije kao Vijećnica. Sve vrijeme ulogu vodiča, umjesto profesionalnog, je obnašao student Žutić Alija.

Kakav bi to bio obilazak Baščaršije? A bez da se ne kušaju sarajevski čevapčići. Čevapčići su se kušali u čevabdžinici "Saraj". Večera je organizo-

vana u najljepšem ugostiteljskom prostoru Sarajeva, poznatoj sarajevskoj pivnici HS. Trećeg dana susreta, priređene su drugačije, i nezaboravne aktivnosti tokom RGSM-a, Odlazak na Vrelo Bosne, te šetnja po ovom zaštićenom spomeniku prirode, vožnja kočijama velikom alejom, i relaksirajućim aktivnostima tokom ovog izleta je zasigurno ostavila trag na sve učesnike RGSM-a.

U sklopu ovogodišnjeg RGSM-a, studentice završnih godina, predstavile su svoje master radove:

- + Džemala Balić: "Izrada 3D modela spomenika „ Ranjeni lav“ na groblju Lav korištenjem laserskog skeniranja"
- + Emina Zec: "Korištenje metode terestričkog laserskog skeniranja kod analiziranja štete na vozilima nakon saobraćajnih nesreća"

U posljednje vrijeme, velika turistička atrakcija na Baščaršiji je nargila. Kako organizatori, tako i učesnici imali su priliku družiti se u mirišljavim prostorijama ugostiteljskog objekta "Divan han".

Kako svemu dođe kraj, tako i ovogodišnjem RGSM-u je došao kraj, oproštajno druženje organizovano je u sarajevskom klubu AG. Prisutne je pozdravio, kulturna ličnost grada na Miljackoj. Elvis J Kurtović, jedan od osnivača pokreta "New Primitives", koji je svojim, neponovljivim šarmom i smislom za humor izmamio osmijeh na lica učesnika. Te nezaboravne večeri učesnike je zabavljala grupa "Vremeplov", svirajući, sve ono što predstavlja sarajevsku pop-rock školu.

Ponedjeljak 10.11.2014. ostaće dan, barem organizatorima lijepa uspomena. Mnogo je razloga, a najvažnija je ta da su učesnici bili prezadovoljni, kako gradom, fakultetom, tako i samom organizacijom RGSM-a 2014, te organizatorima potvrdili, da će se svi jednoga dana ponovo vratiti u Sarajevo.

Prije nego li su se organizatori i učesnici pozdravili, posjetila se Parlamentarna skupština Bosne i Hercegovine. Svi skupa upoznali su se za aktivnostima i nadležnostima, koje vrši ova institucija.

Samom posjetom, organizatori su izvojevali od istoimene institucije, da se organizuje kolektivni razgovor između učesnika i organizatora RGSM-a. Donešen je zaključak, da se RGSM 2015 održi u Skopju.

Na kraju nam preostaje, da se zahvalimo svim sponzorima i prijateljima susreta koji su svojim nesebičnim zalaganjem potpomogli organizatorima da organizuju i uspješno realizuju ovogodišnji susret. Među njima ističemo: Odsjek za geodeziju pri Građevinskom fakultetu u Sarajevu, Federalnu upravu za geodetske i imovinsko pravne poslove, Općinu Stari Grad, Građevinski fakultet, te mnogobrojne kompanije, gdje bi izdvojili BNpro d.o.o.

Učesnici na ovogodišnjem RGSM-u:

- + **Geodetski fakultet Zagreb:** Franka Grubišić, Andreja Mustač, Vesna Jurić, Jasminka Antolović, Ružica Kozić, Dino Polegubić, Šime Skočić, Veronika Nikolić, Nino Pijanović, Marko Radanović, Lucija Čupić, Ina Zlojutro, Domagoj Pavlik, Jurica Miletić.
- + **Građevinski fakultet Beograd:** Jovana Đoković, Tatjana Đapić, Anita Đurić, Aleksandar Pojić, Stefan Stojković, Miloš Pandžić.
- + **Fakultet građevinarstva, arhitekture, geodezije i geoinformatike Split:** Ana Kojundžić, Antonia Pranić, Doris Pavić.
- + **Fakultet za gradbeništvo in geodezijo Ljubljana:** Mitja Župančič, Aleksandar Šasić Kežul, Ana Potočnik, Meta Možina, Lavra Borovnik.
- + **Fakultet Tehničkih Nauka Novi Sad:** Nevena Radović, Marko Petroman, Anđelko Matić, Vanja Pavlović, Milan Cerovina, Milan Đermanović, Nikola Janković, Igor Ruskovski, Milena Kokotović, Marina Davidović.
- + **Gradezen fakultet Skopje:** Aleksandra Lozanoska, AleksandraLukanoska, Dušan Angelovski.
- + **AGF Banja Luka:** Nikolina Mijić.
- + **Tehnološki univerzitet Beč:** Maja Orihan.

Organizator RGSM Sarajevo 2014:

- + **Građevinski fakultet Sarajevo:** Maja Omerčević, Emina Toromanović, Muris Mureškić, Kolić Tarik, Adnan Abdić, Haris Hadžić, Jugović Gojko, Džaferagić Rifet, Savić Marko, Hajrulahović Muhamed, Žutić Alija.

Ostale su uspomena, i želje da se nastavi istim onim putem, kojim je krenuo RGSM. Zasigurno, taj put je sada prohodniji i zahvaljujući svim dosadašnjim organizatorima, buduće RGSM-ove bit će jednostavnije organizirati, ali to sigurno neće umanjiti značaj budućih susreta.

Do sljedećeg susreta, srdačno Vas pozdravlja RGSM 2014 tim.

- Alija Žutić